



NAKON HAPŠENJA SARAJEVSKIH ČEVABDŽIJA

ZA MRKVU I ČAPINA ZATRAŽEN PRITVOR

Tužilaštvo Kantona Sarajevo zatražilo određivanje pritvora za Adnana Mrkvu i Amela Čapina zbog bojazni da bi mogli pobjeći u Sjedinjene Američke Države

Kantonalno tužilaštvo Sarajevo zatražilo je jučer određivanje mjere pritvora za osumnjičene Adnana Mrkvu i Amela Čapinu. Prema riječima portparola Kantonalnog tužilaštva Alema Hamzića, postoji realna opasnost da bi osumnjičeni ometali krivični postupak odlaskom u SAD budući da oba imaju državljanstvo te zemlje. Prijedlog je upućen na osnovu dokaza koje je Tužilaštvo do sada prikupilo.

- Postoji bojazan i da bi osumnjičeni ponovili ili dovršili krivično djelo, da bi boravkom na slobodi utjecali na svjedoke od čijih iskaza ovisi ishod ovog krivičnog postupka da su osnovano sumnjivi da su počinili više krivičnih djela i da bi njihovo puštanje na slobodu rezultiralo stvarnom prijetnjom narušavanja javnog reda – istakao je Hamzić.

Mjere zabrane

Što se tiče ostalih osumnjičenih u ovom predmetu, Ermina Špilje, Adisa Biberovića i Arifa Malićija, podnesen je prijedlog Kantonalnom sudu u Sarajevu za određenje mjere zabrane napuštanja boravišta te druge mjere zabrane.

Rasprava o određivanju mjere pritvora za osumnji-

čene Mrkvu i Capina trebala bi biti održana danas u jutarnjim satima. Kontaktirali smo i advokate osumnjičenih, Kadriju Kolića i Edinu Rešidović, ali oni nisu željeli davati bilo kakve izjave.

Osumnjičeni Mrkva, Čapin, Špilja, Biberović i Malići uhapšeni su u okviru akcije „Rebus“, koju su izveli pripadnici SIPA-e po nalogu Kantonalnog tužilaštva u Sarajevu. Tom prilikom pretreseno je 14 objekata koji se dovode u vezu s firmama Mrkva Group d.o.o. i Mrkva d.o.o., uključ-

jući i čevabdžinice koje su u vlasništvu ovih firmi.

Krivična djela

Navedenih pet osoba se sumnjiči da su u periodu od 1. januara 2011. do 12. oktobra ove godine izbjegli plaćanje poreza u iznosu od oko 5,5 miliona maraka i za tu sumu oštetili budžet FBiH.

Krivična djela za koje je spomenuta petorka osumnjičena su organizovani kriminal u vezi s krivičnim djelima porezna utaja, krivotvorenje ili uništenje poslovnih ili trgovač-

kih knjiga ili isprava, podnošenje lažne poreske prijave i u vezi s krivičnim djelom pranje novca.

A. ŠARENKAPA

Postoji bojazan i da bi osumnjičeni ponovili ili dovršili krivično djelo, da bi boravkom na slobodi utjecali na svjedoke od čijih iskaza ovisi ishod ovog krivičnog postupka



Privođenje Adnana Mrkve u Tužilaštvo KS

Page: 7

Reach: 0

Country: BOSNIA AND HERZEGOVINA

Size: 478 cm2

2 / 2



Privođenje Čapina u Tužilaštvo